

BOSNIA AND HERZEGOVINA
FEDERATION OF BOSNIA AND HERZEGOVINA
MINISTRY OF JUSTICE OF FEDERATION OF BOSNIA AND HERZEGOVINA

Na osnovu članka 71. stavak (3) Zakona o stečaju („Službene novine Federacije BiH“, broj: 53/21) i članka 6. Pravilnika o programu stručnog ispita za stečajnog upravitelja i načinu njegovog polaganja i načinu stručnog usavršavanja („Službene novine Federacije BiH“, broj: 4/22), federalni ministar pravde objavljuje

**JAVNI POZIV
ZA POLAGANJE STRUČNOG ISPITA ZA
STEČAJNOG UPRAVITELJA**

I

Za stečajnog upravitelja može se imenovati samo fizičko lice koje raspolaže potrebnom stručnošću i poslovnim iskustvom i koje se nalazi na Listi stečajnih upravitelja kod Federalnog ministarstva pravde. (2) Na Listu stečajnih upravitelja Ministarstvo će uvrstiti lice koja ispunjava sljedeće uvjete:

- a) da je državljanin Bosne i Hercegovine, odnosno Federacije;
- b) da je zdravstveno sposobno da obavlja dužnost stečajnog upravitelja;
- c) da nije navršilo 63 godine na dan imenovanja za stečajnog upravitelja;
- č) da ima završen ekonomski, pravni ili fakultet tehničkog smjera i to sedmi stepen visokog obrazovanja, odnosno visoko obrazovanje prvog ciklusa (koji se vrednuje sa 240 ECTS bodova) ili drugog ciklusa Bolonjskog sistema studiranja, da ima radno iskustvo u struci u trajanju od najmanje pet godina i položen stručni ispit za stečajnog upravitelja.
- ć) da nije osuđivan za sljedeća kaznena djela: protiv čovječnosti i vrijednosti zaštićenih međunarodnim pravom, kaznena djela iz glave XIX Kaznenog zakona Federacije Bosne i Hercegovine ("Službene novine Federacije BiH", br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17-u daljem tekstu: KZFBiH) protiv spolne slobode i morala, kaznena djela iz glave XXX KZFBiH protiv javnog reda i pravnog prometa, kaznena djela iz glave XXXI KZFBiH protiv podmićivanja i kaznena djela protiv službene i druge odgovorne funkcije, kaznena djela iz glave XXIX KZFBiH protiv pravosuđa, kaznena djela iz glave XXII KZFBiH protiv privrede, poslovanja i sigurnosti platnog prometa i kaznena djela iz glave XXIII KZFBiH iz oblasti poreza.

II

Kandidat za polaganje stručnog ispita za stečajnog upravitelja uz zahtjev za polaganje ispita, obavezan je priložiti:

- 1) Životopis
- 2) Dokaze o ispunjavanju uvjeta iz članka 71. stavak (2) tač. a), c) i č) Zakona o stečaju:
 - uvjerenje o državljanstvu ne starije od 6 mjeseci;
 - izvod iz matične knjige rođenih ne stariji od 6 mjeseci;
 - ovjerenu fotokopiju diplome;
 - uvjerenje o radnom iskustvu u struci u trajanju od najmanje pet godina (uvjerenje poslodavca ili Poreske uprave FBiH ili Federalnog zavoda PIO, koje sadrži šifru zanimanja)

III

Kandidati koji uspješno polože ispit za stečajnog upravitelja, radi uvrštavanja na Listu stečajnih upravitelja, dužni su u roku od 7 dana od dana položenog ispita dostaviti dokaze o ispunjavanju uvjeta iz članka 71. stavak (2) tač. b) i ć):

- Uvjerenje zdravstvene ustanove da je sposoban da obavlja dužnost stečajnog upravitelja, ne starije od tri mjeseca i
- Uvjerenje o neosuđivanosti ne starije od tri mjeseca.

IV

Kandidati za polaganje stručnog ispita za stečajnog upravitelja dužni su tražene dokaze iz tač. II i III dostaviti u originalu ili ovjerenoj fotokopiji.

V

Zahtjev za polaganje stručnog ispita za stečajnog upravitelja, sa potrebnom dokumentacijom, može se dostaviti lično ili preporučenom poštom na adresu:

FEDERALNO MINISTARSTVO PRAVDE
Ul. Valtera Perića 15.
71 000 SARAJEVO

Za sve potrebne informacije možete kontaktirati: tajnik Povjerenstva za polaganje stručnog ispita za stečajnog upravitelja: Anja Galić (anja.galic@fmp.gov.ba)

VI

Javni poziv ostaje otvoren do 03.06.2024. godine.

Nepotpuni i neblagovremeni zahtjevi neće se uzimati u razmatranje.

Broj: 01-45-1353/22
Sarajevo: 19.01.2024. godine

MINISTAR

Vedran Škobić

